

СЛУЖБА  
ПРЕПОДОБНОМУ И БОГОНОСНОМУ  
ОТЦУ НАШЕМУ  
СЕРАФИМУ,  
из Ракитнаго Белгородскаго  
старцу и чудотворцу.



## СЛУЖБА

преподобному и богоносному отцу нашему

СЕРАФИМУ,

из Ракитнаго Белгородскаго

старцу и чудотворцу.

### НА МАЛЕЙ ВЕЧЕРНИ

Стихиры на 4, самогласны, глас 4:

Третьяго Серафима преподобнаго тысящелетняя Церкви Христовы Русския восхвалим православнии людстие, перваго Серафима – Саровскаго на иконе увидевшаго отроком и возжелавшаго быти, якоже он, иже и исполнися Богу поспешествующу ему.

Вырицкаго Серафима имея предшественником твоим не знал еси и не беседовал еси с ним усты ко устом, но Богу Единому с ним служа Троице Пресвятей, с первенца в троице вашей

брали еста пример Богу поспешествующу Своим преподобным.

**Д**несь Ракитное – место священнослужения и старчества твоего, ближний нам по летам жития отче наш Серафим, многолюдно есть ради славления твоего, сюда бо собрашеся верных собор, тя любящих и молящихся Богу поспешествующу ти.

**Слава, глас 6:**

**Т**роице Единосущней Животворящей и Нераздельней Святей рабие и сыновнее песнопение вознесем о сотворении человек, ставших рабами, за грехопадение наказанными, но во Христе возпрявшими и паки усыновленными Богу поспешествующу сему.

**И ныне, богородичен, глас 5:**

**Т**обою, Пречистая Богородице Дево Марие

Приснодевственная, спасение наше соделася, Адаму и Еве, из Рая изгоняемым, Жено обетованная, и пророком Исаиею предреченная Бога и Человека имети во чреве и родити нам Богу поспешествующу Ти.

**На стиховне, стихиры, глас 2:**

**П**рошед учения богословию троякия труды, в гонения за Христа верность Ему явил еси, новый нам Серафим, священствуя овдовев, узилище и изслание претерпев долговременная, монашеский постриг приняв, в Ракитном служба и старчеством многим в цельбу, исправление и спасение преподобнически.

**Стих:** Честна пред Господем смерть преподобных Его.

**В** Господе упокоился еси телом изнурен, но

духом бодрствующий яко новорожден Благодатию Святаго Духа: престолу Божию предстоиши уже Горé, с нами же zde на земли мощами твоими покоишия всещедро и милостивно подавая нам цельбу, исправление и спасение преподобнически.

**Стих:** Блажен муж бояйся Гóспода, в заповедех Его восхощет зело.

**З**аповеди Господни знал и исполнял еси, старче наш Серафим, и нас научал еси сим проповедями, беседами, наставлениями, и паче сих примером твоим по заповедем Спасителя нашего Иисуса Христа мыслити, чувствовати и поступати, подавая нам цельбу, исправление и спасение преподобнически.

**Слава и ныне, богородичен, глас тойже:**

**Пречистая Богородице Дево Марие Приснодевственная, с Господом Серафимами безплотными и во плоти Святыми славимая и поклоняемая, Серафимов людей с Господом прославляеши, содействующи избранным Твоим подавати нам цельбу, исправление и спасение преподобнически.**

## **НА ВЕЛИЦЕЙ ВЕЧЕРНИ**

**Блажен муж:**

**На Господи воззвах, стихиры на 8, глас 1.**

**Подобен: О, дивное чудо!**

**О, дивное чудо, в Русской при царех тогда стране в Польской латинствующих земле у родителей верою православных Александра и**

Александры третье чадо рождается и Димитрием в память Мироточца Солунскаго при крещении нарекается.

**О**, дивное чудо, в детския своя еще летá Димитрий сей, Серафима Саровскаго возлюбив, быти подобным ему восхотев, отца упросил есть в Училище духовное его определить, Господу служити учитися со священники будущими.

**Д**ивны избранныя Твоя, Господи, Благодатною Твоею силою многая чудеса являющия по испытании в верности Тебе даже до гонений и уз: клеветная и ложная претерпевшая, далече отгнание, неправыя суды, но в любви к Тебе и ко всем упрочившаяся.

**Д**ивны избранныя Твоя, в терпении их безропотном Тебе, Христе, подражающия не слабости

ради, а в силе, подаваемой им упованием совершенным на Тя, силе Божией, таинственно и непостижимо, но явно в немощи человеческой совершающейся.

Днесь Ракитное граду уподобляется множества ради сошедшихся в старца святого Серафима, Исповедника преподобнаго, Святителя Николая Чудотворца храм, идеже иконы, олтарь и стены доднесь благовоние источают молитв благодатных его.

Днесь ради празднования памяти старца святого Серафима, Исповедника преподобнаго, Святителя Николая Чудотворца его храма отшедшия в Вечность праведныя поклонники и прихожане в Рай торжествуют и на Небе молятся ему.

## Слава, глас 8:

Приидите, служителя Божия чтители, Серафима преподобнаго из Ракитнаго, издетска Серафима Саровскаго возлюбившаго во Христе, и в юности восхотевшаго священствовати Троице Святей, иже во узах десятилетних и изгнании пятилетнем венец Исповедника стяжал есть и Духа Святаго многия дары на пользу всем, и в памяти его день в помощь сугубую призовем, да ко спасению управимся им.

## И ныне, богородичен, глас тойже:

Царь Небесный за человеколюбие на земли явился и с человеки поживе: от Девы бо Чистыя плоть приемый, и из Нея прошедый с восприятием: един есть Сын, сугуб естеством, но не ипостасию. Темже совершенна Того Бога, и совер-

шенна человека воистину проповедающе, исповедуем Христа Бога нашего: Егоже моли, Мати безвестная, помиловатися душам нашим.

**Вход.**

**Прокимен дне.**

**Чтения преподобническая 3.**

**1. Премудрости Соломоновы чтение.**

Праведных души в руке Божией, и не прикоснется их мука. Непщевани быша во очесех безумных умрети, и вменися озлобление исход их, и еже от нас шествие сокрушение: они же суть в мире. Ибо пред лицом человеческим аще и муку примут, упование их безсмертия исполнено. И в мале наказани бывше, великими благодетельствовани будут: яко Бог искуси я и обрете их достойны Себе: яко злато в горниле искуси их и яко всеплодие жертвенное прият я. И во время

посещения их возсияют, и яко искры по стеблию потекут: судят языком и обладают людьми, и воцарится Господь в них во веки. Надеющиеся нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

## 2. Премудрости Соломоновы чтение.

Праведницы во веки живут, и в Господе мзда их, и попечение их у Вышняго. Сего ради примут царствие благолепия и венец доброты от руки Господни: зане десницею покрывает я и мышцею защитит их. Приимет всеоружие рвение свое, и вооружит тварь в месть врагом, облечется в броня правды, и возложит шлем суд нелицемерен: приимет щит непобедимый преподобие, поострит же напрасный гнев во оружие: споборет же с ним мир на безумныя. Пойдут

праволучныя стрелы молниины, и яко от благокругла лука облаков, на намерение полетят. И от каменометныя ярости исполнь падут грады: вознегодует на них вода морская, реки же потопят я нагло. Сопротив станет им дух силы, и яко вихор развеет их: и опустошит всю землю беззаконие, и злодейство превратит престолы сильных. Слышите убо, царие, и разумеите: навыкните, судии концов земли. Внушите, держащии множества и гордящися о народе язык: яко дана есть от Г'оспода держава вам, и сила от Вышняго.

### 3. Премудрости Соломоновы чтение.

Праведник, аще постигнет скончатися, в покой будет. Старость бо честна не многолетна, ниже в числе лет исчитается: седина же есть мудрость человеком, и возраст старости житие нескверное. Благоугоден Богови быв, возлюблен

бысть, да не злоба изменит разума его, или лесть прельстит душу его. Рачение бо злобы помрачает добрая, и парение похоти пременяет ум незлобив. Скончався в мале, исполни лета долга: угодна бо бе Господеви душа его: сего ради потщася от среды лукавствия. Людие же видевшие и не разумевше, ниже положше в помышлении таковое, яко благодать и милость в преподобных Его, и посещение во избранных Его.

**На литии стихира святому, егоже есть храм.**

**И преподобному стихире, глас 1.**

**К**иими похвальными песньми воспоем из Ракитнаго старца Великаго Серафима, Веры Христовы твердаго Исповедника, возросшаго в ея чистоте, со тщанием богословию православно научена, Промыслом Божиим в браке честном

поживша и овдовевшаго, в монашестве просиявшаго и в многим спасительном Старчестве духовноснем? Не вемы. И Господу и о нем из Псалтири Давидовы возгласим: Аллилуиа.

**П**риидите, в день памяти из Ракитнаго старца Великаго Серафима, Веры Христовы твердаго Исповедника, милости Божия пребогатая воспомянем, людьми Его праведными и преподобными Промыслом Его спасительным присно являемая с первых людей Сотворения даже доднесь, да и мы от бранныя земли к обетованному Небесем очеса возведем. И Господу и о нем из Псалтири Давидовы возгласим: Аллилуиа.

**С**ветлая память вечная ныне сугубо совершается Светлому обликом и служением благостному из Ракитнаго старца Великаго Серафима, Веры Христовы твердаго Исповедника, во дни

седмидесятилетняго в Земле русской гонения лютаго на жатву Божию многую делателем призваннаго при умалении делателей, частию немногою служения своего отрицающихся страшщихся, а бóльшею – в темницы сажаемых, убиваемых нестигаемых, благим сим подражавшаго. И Господу и о нем из Псалтири Давидовы возгласим: Аллилуиа.

### Слава, глас 5:

Радуйся, притчи Евангельския Спасителевы пастырю добрый стада Христова словеснаго, к Вере правой во Святую Троицу несведущих приводящий, а вѣдающих Гóспода в вере укрепляющий чудотворными милостями и даже самым образом своим, се бо многия к помощи твоей прибегают молящися: «Дерзновение к Нему стяжавши, непрестанно моли спастися нашим

душам».

**И ныне, богородичен, глас тойже:**

**Х**рам и дверь еси, палата и престол Царев, Дево Всечестная, Еюже Избавитель мой, Христос Господь, во тьме спящим явися, Солнце сый Правды, просветити хотя, яже созда по образу Своему рукою Своею! Темже, Всепетая, яко матерне дерзновение к Нему стяжавши, непрестанно моли спастися нашим душам.

**На стиховне, стихиры, глас 5:**

**Подобен: Радуйся, Живоносный Кресте:**

**Р**адуйся, преподобне Серафиме, Симону Киренянину подобно Крест спасения нашего Христов на рамена своя с желанием возложив, на Голгофу понесший русскую с Ему верными, и душу свою по велению Спасителеву за ближних на кресте твоём положив, с Господом на Небеси

всельшийся, радуясь о сем, Бога радуя и нас вы-  
маливая для радования вечнаго.

**Стих:** Честна пред Господем смерть преподобныхъ Его.

**Радуйся,** преподобне Серафиме, смерть терпевший не от стреляния в тя или от глада, во узилище долговременем за Спаса Христа пребывании или от паствы твоея к тому исходе невольнем, а мирно посреде по духу чад душу твою предавший в рúце Божия, слыша: «Рабе благий и верный, о мале Ми был еси верен, над многими тя поставлю: вниди в радость своего Гóспода!»

**Стих:** Блажен муж бояйся Гóспода, в заповедех Его восхощет зело.

**Радуйся,** преподобне Серафиме, издетска

Христа возлюбивший и последовати Ему восхотевший искренне, Заповеди Его изучавший в Духовных училище, семинарии и академии внимательно, и исполнявший их присно и тщательно, Гóспода Единого Истинного, Любовию апостолом Иоанном именуемаго, огорчити боявшийся, и мужем блаженным ставший.

**Слава, глас 6:**

**Преподобне отче Серафиме,** в Полонии родившийся и учившийся Православно, в Лавре Троицы Святыя Сергия преподобнаго в Вере закалившийся в начале за нея гонений, много потрудился еси в священстве Господу Богу вернем, досаждаем, убиваем, заточаем, высылаем и притесняем, даров изрядных сподобился еси Духа Свята, себе и инья спасаю.

## И ныне, богородичен:

Творец и Избавитель мой, Пречистая, Христос Господь, из Твоих ложесн прошел в мя оболкийся, первыя клятвы Адама свободи: темже Ти, Всечистая, яко Божии Матери же и Деве воистину, вопием немолчно: радуйся, Владычице, предстательство и покрове и спасение душ наших.

## Тропарь, глас 4:

От юности священство избрав путем жизни,/  
Старца Саровскаго пламенне возлюбив во отрочестве,/  
подвигами добрыми в браке и вдовстве,/  
исповедничестве и мученичестве,/  
монашестве и старчестве/  
спасение во Христе соделывал еси свое/  
и верным многим, якоже Серафим преподобный,/  
не остави же и молящихся тебе/  
с ве-

рою, надеждою и любовью, / у Троицы Пресвя-  
тыя прощения испроси // и на веки преселения в  
Рай Небесный.

### Слава и ныне, богородичен:

Еже от века утаеное и ангелом несведомое та-  
инство: Тобою, Богородице, сущим на земли  
явился Бог, в неслитном соединении воплощаемь,  
и крест волею нас ради восприим, имже воскре-  
сив первозданнаго, спасе от смерти души наша.

### НА УТРЕНИ

#### По 1-м стихословии, седален, глас 4:

Смертию на Кресте Христовою попирая веч-  
ную смерть, временныя не убоялся еси, Сера-  
фиме святыи, от глада и пуль, и в смерти младен-  
цев сыновей и не старыя еще жены, вселение их

в Небесный Иерусалим узрел еси поя: «Со Святыми покой их, Господи». [Дважды.]

**Слава, и ныне, богородичен:**

**У**спением и Воскрешением Твоим изрядным, вознаграждена была еси, Дево Марие Богородице, Сыном Твоим и Богом за Твое Ему служение неповторимое в деле спасения человеков, и Неутомимая уже не имаши покоя усопших, спасая на земли страждущих.

**По 2-м стихословии, седален, глас 1:**

**В**оскресением Сына Божия воплощагося утешался еси, Серафиме святой, по смерти Его Крестней, и во ад схождением Его победоносным над лукавым и Праведных смертью, отонудуже Адама и Еву со святыми изведе в места вечнаго упокоения и блаженства. [Дважды.]

## Слава, и ныне, богородичен:

Фоме апостолу, не бывшему при Успении и Погребении Честнем Твоем, чудесно низпослала еси, Дево Марие Богородице, Свой пояс, исцеления и бесплодия избавление дарующий нам и препоясующий к деланию духовному.

### По полиелеи седален, глас 7:

Просияв исповедничеством своим в гонений на Веру двадесятый век, устрашаемый, убиваемый, заточаемый и высылаемый безбожными властители за священнослужение Истинному Богу, дарами изрядными благодатными был еси Им преоружен, любовью совершенною украшенными, и многия привел еси ко спасению, Се-рафиме святой, Церковию Христовою прославляемый.

[Дважды.]

## Слава, и ныне, богородичен:

Пречистая Дево, радуйся, служитель бо Сына Твоего и Бога Твоего и нашего преподобный Серафим, Исповедник Христов, в Ракитном Белгородском двадесять лет пред кончиною послуживший свято, служит Господу пред Небесным Его Престолом ныне, мощами же благодатными на прежнем месте пребывает и низпосылает молящимся ему помощь во Славу Святыя Троицы, с любовью священною Тебе, Богородице Приснодево, в мерность свою подражая. [Дважды.]

Таже степенна, 1-й антифон 4-го гласа.

Прокимен, глас тойже:

Честна пред Господем смерть преподобных Его:

Стих: Что воздам Господеви о всех, яже воздаде ми?

## Евангелие от Матфея, зачало 43:

Рече Господь Своим учеником: вся Мне предана суть Отцем Моим: и никтоже знает Сына, токмо Отец: ни Отца кто знает, токмо Сын, и емуже аще волит Сын открыти. Приидите ко Мне вси труждающиеся и обремененнии, и Аз упокою вы: возьмите иго Мое на себе и научитесь от Мене, яко кроток есмь и смирен сердцем: и обрящете покой душам вашим: иго бо Мое благо и бремя Мое легко есть.

## По 50-м псалме стихира, глас 6:

Днесь восхваляем святаго Церкви Русския времени нашего, четыредесять лет како преставившагося Серафима преподобнаго, из Ракитнаго старца дивнаго и благостнаго, любовию к Богу и людям служение свое наполняющаго, о Господе творящей многая чудеса, врачующия,

от демонов избавляющия, к жизни Богу угодной  
исправляющия нас, и поминающе советы его,  
подражаем ему в смирении и кротости, привле-  
кающих признание Сотворшаго нас во спасение  
и безконечное пребывание с Ним на Новых Небе  
и земли.

**Канон Богородице параклисис,**

**со ирмосом на 6,**

**и святому канон на 8.**

**Канон преподобному, глас 8.**

**Ирмос:** Воду прошел яко сушу и египетскаго  
зла избежав, израильтянин вопияше: Избави-  
телю и Богу нашему поим.

**И** ты, преподобне отче бури земныя одолевая  
и проходя, подобно твердой суше, и зла избежав  
лагернаго и ссыльнаго, пел еси Избавителю  
Богу.

**О**т юности в сердце и уме твоём имел еси чувство живо и память Божии, и желал еси Господу поработати яко Серафим Саровский и пети Избавителю.

### **Слава:**

**Н**ыне взирающе на честныя останки твои, мощами чтимыми ставшия, благоговение испытываем пред тобою, служителем преподобным Избавителя Бога.

### **И ныне, богородичен:**

**С** верою просим с Пренепорочною Приснодевою Материю Божию и твоих о себе молитв, Господом Избавителем принимаемых абие и исполняемых.

### **Песнь 3.**

**Ирмос:** Небеснаго круга верхотворче Господи, и церкви Зиждителю, Ты мене утверди в

любви Твоей, желаний краю, верных утверждение, Едине Человеколюбче.

**М**олился еси еще отроком с верою и разумением просимаго Человеколюбцу Господу, Церкви Зиждителю, да в храмах Божиих послужиши Ему.

**Л**юбовию к Богу преисполняемый и людем, молился еси Господу Человеколюбцу яко Источнику совершенныя Любви, да утвердит тя в любви Своей.

**Слава:**

**Ж**еланию священному следовал еси утверждати верных во вхождении в круг Небесный к его Верхотворцу, Церкви Зиждителю, Человеколюбцу.

## И ныне, богородичен:

Все упование свое на Тя возлагаем, Мати Божия, что сохраниши ны под кровом Твоим, молитвами лучших из людей – Божиих святых.

## Седален, глас 4:

Разнствия телесныя, душевныя и духовныя престранны в людех от матерей их утроб: одни к земному имеют вящее тяготение, иныя – стремление к Небеси, ты же, наш отче преподобне и старче Серафиме, издетска желая Старца соименнаго подражати жительству и трудом, священником Бога сил Вышних быти такожде восхотел и стал еси, Небесным иным, священномонахом святым, у нихже просят молитв.

[Дважды.]

## Слава, и ныне, богородичен:

**Покров** и Заступление Православия, Дева Богородице, Христу Спасителю подражаеши, солнцем светящему и дождящему добрым и злым, спасения взыскуя живущим всем на земли, но Небо духовное отверзаете для загробнаго душ пребывания точию правоверным Своим, в Троице чтущим Отца нерождаемаго и не исходящаго, Сына Божия, Отцем рождаема, и Бога Духа Святаго исходящаго от Бога Отца.

### Песнь 4:

**Ирмос:** Услышах, Господи, смотрения Твоего таинство, разумех дела Твоя и прославих Твое Божество.

**С**тарательно постигая Господня смотрения духовное знание дела Его разумел еси и прославлял Его Божество.

**С**лышанное и прочитанное истинно полезное знание исполняя сам, к пользе других обращал еси к Богу приводя.

**Слава:**

**Т**роицы Пресвятыя внимая таинству, вере в Нея спасающей учился еси учить других, да разумеют дела Ея.

**И ныне, богородичен:**

**Т**аила еси, Богородице, пережитое, слышанное и узренное до прославления Воскресением и Вознесением Сына Твоего Божества.

**Песнь 5.**

**Ирмос:** Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

**П**росвети нас, священнодейстителю Таин Божиих, Господними повелениями, да мышцею

высокою и нам мир подаст.

**С**вятостию Исповедничества наставляеши нас к проповеди Веры посреде не знающих Господних повелений людей.

**Слава:**

**П**ринесем преподобному Серафиму, старцу, чудотворцу и Исповеднику веры свещей свет теплый и фимиам благовония ему молитв.

**И ныне, богородичен:**

**П**риими, Всемилостивая, за ны моления Вашего с Господом Избранника, егоже светлая память празднуется днесь.

**Песнь 6.**

**Ирмос:** Молитву пролию ко Господу и Тому возвещу печали моя, яко зол душа моя исполнися, и живот мой аду приближися, и молюся яко Иона: от тли, Боже, возведи мя.

**Г**рехов своих отщется уже давно, собратиям пастырям и пасомым многим свободитися сих помогал еси с любовию и заботою богоугодными, и от теснящих тя богоборцев претерпел еси скорби многия.

**П**одвигом десятилетняго во узилище пребывания за Богу священное служение, неверными запрещаемое и наказуемое, просиял еси, преподобне, венец Исповедничества обрета.

**Слава:**

**И**стину не скрывал еси намерения твоего продолжити Господу священником служения, пять лет изслания еще заслужив от врага спасения, но священствовал еси и в неволе.

**И ныне, богородичен:**

**М**олитвы возносил еси ко Господу и к Богородице, возвещая печали твоя: яко зол душа твоя

исполнися, и живот твой аду приближися, и яко Иона взывал еси: от тли, Боже, возведи мя.

### Кондак, глас 2:

**И**збранный воплотившимся и распявшимся Сыном Божиим добрым пастырем быти овец Его словесных, за Христа пострадал еси Веру правую в Него крепя в страждущих и твое предваря в монашестве житие, славимый и призываемый днесь: радуйся, отче святой преподобный, из Ракитнаго старче, Исповедниче Серафиме, Белгородский чудотворче.

### Икос:

**О**ставив родителей, брата и сестер, к священнической будущей собратии прилепился еси триех Духовных школ, и первым в роду твоём стал еси духовником по времени, Вере правой

учащим мирян, Таинства Церковныя совершающим по чиноположению Православному, Христовых Тела и Крови Причащающим их во исцеление души и тела, по сем поющих: радуйся, отче святой преподобный, из Ракитнаго старче, Исповедниче Серафиме, Белгородский чудотворче.

### Песнь 7.

**Ирмос:** От Иудеи дошедше отроцы в Вавилоне иногда верою Троическою пламень пещный попраша, поюще: отцев Боже, благословен еси.

**Я**ко Анания, Азария и Мисаил в плену с пророком Даниилом и многими из богоизбраннаго народа, и ты прославился еси достойным в Веростоянием, Гóспода благословляя.

**В**ерою в Бога, Троицею славимаго, попрал

еси и ты огонь яко в Вавилонской новой, русской уже, пещи горя и не сгорая в гонениях испытания, Господа благословляя.

### Слава:

Богу Отцу, и Сыну, и Духу Святому верность упрочил еси твою в тяжких весьма пятнадцатилетних темничных и в назирании за тобою обстояниях, Господа благословляя.

### И ныне, богородичен:

Ты еси Мати Спасителя Христа, Сына Божия, ставшаго Сыном Человеческим: воплощшагося, рождшагося, наставившаго всему, распятаго, Воскресшаго и Вознесшагося Господа Благословеннаго.

### Песнь 8.

Ирмос: Царя Небеснаго, Егоже поют вои ангельстии, хвалите и превозносите во вся веки.

**Царя Небеснаго и святии Божии с вои ангельскими поют, хваляще Его и превозносяще.**

**Силою кротости и любви прогоняеши, отче святыи, Царя Небеснаго отреченныя аггелы.**

**Благословим Отца и Сына и**

**Святаго Духа, Гóспода:**

**Во веки приуготовился еси, преподобне, пети Троице Пресвятей, хвалити Ея и превозносити.**

**И ныне, богородичен:**

**Радуетишия, Царице Небесная, о Серафиме святем, на Небе Гóспода восхваляющем и превозносящем.**

**Песнь 9.**

**Ирмос: Воистину Богородицу Тя исповедуем, спасеннии Тобою, Дево Чистая, с безплотными лики Тя величающе.**

**С**пасения залого имуще в Христовых Таинствах Крещения, Покаяния и Причащения, Богородицу исповедуем Тя, Дево Чистая.

**К**репкою верою утверждаеми Отцев святых, за Христа пострадавших, Плоть достойную давшая Ему, Богородицу исповедуем Тя, Дево Чистая.

**Слава:**

**С**имвол Веры являет нам Сына Божия, Сшедшаго с Небес и Воплотившагося от Духа Свята и Марии, да Богородицу исповедуем Тя, Дево Чистая.

**И ныне, богородичен:**

**И** Единого Гóспода Иисуса Христа со Отцем и Духом возвещает нам Никео-Цареградский Веры Символ, имже Богородицу исповедуем Тя, Дево Чистая.

## Светилен:

Светом просвещаемыя Евангелий, Деяний и Посланий Апостолов и писаний Святых отец, Заповеди Христовы подлинныя соблюдаем пастырями добрыми наставляемыя, от нихже и преподобный Серафим из Ракитнаго старец, врач наш душевный и телесный и прозорливец Божий, един из первых бысть наставляя нас и освящая.

## Слава, и ныне, богородичен:

Видя Тя, Богородице Дево, святой Дионисий Ареопагит во Иерусалим придя, светосиянию Пречистому Твоему удивляшеся от Света Нетварнаго, радостотворнаго и благоуханнаго, Тебе, Мати Света – Гóспода Иисуса Христа, безмерно прещедро подаваемого, с Архиепископом сим Афинским Сыну Твоему яко Богу покланяемся, и яко Матери Божией по плоти Тебе.

## На хвалитех стихиры на 4, глас 8:

Святаго Божия, по Саровском и Вырицком преславных преподобных третяго Серафима, из Ракитнаго старца прозорливаго и чудотворца предивнаго, воспоминаем ныне, Господу служившаго неутомимо и нам.

[Дважды.]

Преподобне отче Серафиме, из Ракитнаго старче прозорливый и чудотворче предивный, Гóспода хвалим и Богородицу величаем с тобою: ты на Небе, а мы на земли богослужение совершающе в память святую твою.

Всякое дыхание твое, отче Серафиме, из Ракитнаго старче прозорливый и чудотворче предивный, молитвою наполняемо, Бога прославляя и Богородицею ходатайствуя спасение, молиться непрестанно научает и ны.

## Слава, глас 6:

Прииди из горния твоя обители, отче Серафиме, из Ракитнаго старче прозорливый и чудотворче предивный, да вкупе с тобою воспоем в Троице славимому Богу Отцу, и Сыну, и Святому Духу благодарения песнь.

### И ныне:

Богородице, Ты еси лоза истинная, возрастившая нам плод живота: Тебе молимся: молися, Владычице, со святыми апостолы, помилovati души наша.

### Славословие великое, и отпуст.

### НА ЛИТУРГИИ:

### Блаженна от канона песнь 6.

### Прокимен:

Честна пред Господем смерть преподобных

Его.

**Стих:** Что воздам Господеви о всех, яже воздаде ми?

Апостол к Галатам, зачало 213.

Евангелие от Луки, зачало 24,

или

от Матфея, зачало 10.

**Причастен:**

**В** память вечную будет праведник:



